



Broj: 01-36-700/18

Jablanica, 11.05.2018. godine

Na osnovu člana 41. Statuta Općine Jablanica („Sl. glasnik Općine Jablanica“ broj: 2/09 i 8/16) i tačke 5. Programa poticaja MSP, u Općini Jablanica („Sl. glasnik Općine Jablanica“ broj: 4/17), Općinski načelnik o b j a v l j u j e,

JAVNI POZIV **za učešće u Programu poticaja MSP, u Općini Jablanica u 2018. g.**

Javnim pozivom, pozivaju se privrednici koji su zainteresirani da uz finansijsku podršku Općine Jablanica, a putem poticanja: startup i mladih preduzeća, zapošljavanja MSP kroz projektne aktivnosti industrijske proizvodnje, obrta, trgovine, turizma i ugostiteljstva, omogući zapošljavanje i samozapošljavanje lica prijavljenih na evidenciju nezaposlenih Biroa rada Jablanica, a radi ostvarivanja i održavanja veće stope zaposlenosti.

Za vrijednost investicije do 100.000,00 KM dodjeljuju se sredstva po jednom zaposlenom u iznosu od 4.000,00 KM a za investicije preko 100.000,00 KM sredstva u iznosu od 5.000,00 KM.

Pod pojmom „Investicija“ podrazumijeva se ulaganje u opremu potrebnu za realizaciju poslovnog projekta korisnika, ulaganja u adaptaciju prostora, ulaganja u izgradnju objekta, kupovinu ili iznajmljivanje izgrađenog objekta ali samo u onoj mjeri u kojoj je ta izgradnja, kupovina i najam nužan za realizaciju poslovnog plana korisnika. Dokazivanje veličine ukupnog ulaganja Radnoj grupi za provedbu programa poticaja za zapošljavanje, bit će na osnovu procjena ovlaštenih sudskih vještaka, na osnovu carinske dokumentacije, računa, obračuna i otpremnica dobavljača i uvidom u poslovnu dokumentaciju korisnika.

Investicije privrednih subjekata do 100.000,00 KM mogu biti podržane subvencijom za maksimalno 5 (pet) radnika.

Poslovni planovi investitora kojima se predviđa upošljavanje više od 5 (pet) uposlenika i kod kojih je investicija veća od 100.000,00 KM bit će predmetom analize: Radne grupe, Službe, po potrebi i spoljnih saradnika. Za realizaciju predloženog ugovora o poticaju neophodna je saglasnost Općinskog vijeća.

Poticajne mjere i finansijska sredstva

Finansijska sredstva za realizaciju Programa osigurava Općina Jablanica, i ista su predviđena Budžetom Općine Jablanica za 2018. godinu, a realizirat će se posredstvom nadležne službe Općine Jablanica.

Za tu namjenu predviđena su finansijska bespovratna sredstva Općine Jablanica za zapošljavanje u iznosu od 240.000,00 KM i to za:

- | | |
|---|---------------|
| 1. Poticanje startup i mladih preduzeća | |
| a. startup | 5.000,00 KM |
| b. mlada preduzeća | 5.000,00 KM |
| 2. Poticanje industrijske proizvodnje (prerada i obrada kamena i sl.) | 50.000,00 KM |
| 3. Poticanje obrta, | 60.000,00 KM |
| 4. Poticanje trgovine, turizma i ugostiteljstva, | 120.000,00 KM |

Od ukupnog iznosa predviđenih sredstava do 30% se odnosi na projekte samozapošljavanja.

Korisnici

Korisnici bespovratnih sredstava (poticaja) su:

- Privrednici općine Jablanica koji iskažu potrebu da će zaposliti osobe iz ciljne skupine, koji godinu dana do dana objavljivanja javnog oglasa nisu imali umanjenje radnika (osim u slučaju elem.nepogode, odlaska u penziju, smrti radnika, samoinicijativnog napuštanja poslodavca ili isteka ugovora o radu zaključenog na



određeno vrijeme, otkaza ugovora o radu zbog teže povrede radne dužnosti); i da u trenutku apliciranja ispunjavaju uslove o minimalnom broju uposlenih koje privredni subjekt treba imati u momentu apliciranja za subvencije a prema Uredbi ("Sl.novine FBiH" br.15/98).

Poslodavac ne može koristiti poticaj za zapošljavanje lica sa kojim je imao zaključen ugovor o radu a koje je u roku 3 mjeseca do objavljivanja javnog oglasa samoinicijativno prekinulo ugovor o radu .

- Privrednici općine Jablanica čije povećanje broja radnika nije rezultat iskorištenog poticaja za zapošljavanje Općine Jablanica, Federalnog zavoda za zapošljavanje ili drugih subjekata viših nivoa vlasti, stim da se poticaji ne odnose na iste radnike;
- Nezaposlene osobe – prijavljene na evidenciju nezaposlenih Zavoda za zapošljavanje Jablanica;
- Preduzeća, obrti i drugi oblici organizovanja i preduzeća starosti do dvije godine koja iskažu potrebu da će zaposliti osobe iz ciljne skupine.

Kriteriji pri odobravanju poticajnih sredstava po Programu

Kod odobravanja sredstava, namijenjenih za poticaj zapošljavanja lica iz ciljne skupine, u obzir će se uzimati kriteriji:

- vrijednost investicije,
- postojeći broj zaposlenih,
- izrada programa –biznis plana (bitni elementi..),
- aplikanti koji do sada nisu bili korisnici Programa poticaja,
- program samozapošljavanja do utvrđenog iznosa.

Sredstva po ovom programu ne mogu koristiti:

- Institucije koje prijem zaposlenika vrše posredstvom Agencije za državnu službu,
- privrednici i fizička lica koji imaju neizmirene obaveze prema javnim prihodima ne mogu učestvovati u ovom Programu,
- privrednici i fizička lica koji su koristili kreditna ili bespovratna sredstva iz poticajnih mjera Općine Jablanica, a nisu ispoštovali obaveze u skladu sa zaključenim ugovorima,
- korisnici sredstava koji su koristili poticajna sredstva općine Jablanica dvije (2) ili više godina uzastopno nemaju pravo na dodjelu poticajnih sredstava najmanje jednu godinu od posljednje godine korištenja istih.

Prijava na Javni poziv

Uz prijavu na Javni poziv, **privrednici** (preduzeća i samostalne radnje) podnose Općini:

- zahtjev za poticaj zapošljavanja,
- kopiju rješenja iz sudskog registra o registraciji firme, ili kopija registracije djelatnosti od nadležnog općinskog organa.
- kopiju identifikacijskog broja,
- pregled registrovanih osiguranika, uključujući sve prijave i odjave osiguranika, za period godinu dana do dana objavljivanja javnog oglasa , izdat od Poreske uprave,
- program (biznis plan) koji sadrži plan prihoda i rashoda, plan finansiranja po izvorima i namjeni sredstava sa tačno iskazanim brojem lica za koje se traži poticaj.

Aplikanti koji u trenutku apliciranja nemaju registrovano preduzeće, obrt ili slično, zbog toga neće biti eliminisani iz daljnjeg procesa ali je to uslov za realizaciju sredstava.

Uz prijavu na Javni poziv, **fizička lica** (građani) podnose Općini:

- zahtjev za poticaj samozapošljavanja,
- kopiju lične karte,
- uvjerenje nadležne Službe za zapošljavanje Jablanica da se nalazi na evidenciji nezaposlenih,
- program (biznis plan) koji sadrži plan prihoda i rashoda, plan finansiranja po izvorima i namjeni sredstava.

Utvrđivanje liste

Po proteku roka za podnošenje zahtjeva, Radna grupa imenovana od strane Općinskog načelnika vrši bodovanje istih prema kriterijima koje, donosi Općinski načelnik, sačinjava listu aplikanata koji ispunjavaju uslove za ostvarivanje poticaja, te u saradnji sa Općinskim načelnikom utvrđuje broj lica za koje svaki od aplikanata može ostvariti pravo na poticaj.

Zaključivanje ugovora

Sa privrednikom ili fizičkim licem kojem je odobren poticaj, Općinski načelnik zaključuje ugovor kojim će se definisati međusobna prava i obaveze.

Ukoliko privrednik kojem je odobren poticaj zapošljavanja osoba odustane od realizacije ugovora, zaključeni ugovor će se poništiti, a novi ugovor o poticaju zapošljavanja osobe zaključiće se sa privrednikom koji je aplicirao na Javni poziv kojem nije bio odobren poticaj zapošljavanja zbog nedovoljnog broja bodova, ili će se zaključiti aneks ugovora sa privrednikom kojem je odobren poticaj zapošljavanja osoba iz ciljne grupe u manjem broju u odnosu na zahtjevom traženi broj osoba.

Obaveze nakon odobravanja sredstava

Obaveze privrednika (preduzeća i saostalnih radnji)

Nakon odobravanja sredstava i potpisivanja ugovora sa Općinom, a najdalje u roku od 30 dana (kao uslov za isplatu odobrenih sredstava), privrednik dostavlja:

- Ugovor o radu sa osobom za čije se zapošljavanje odobrava poticaj, u trajanju od najmanje 15 mjeseci (Ugovor o radu ne može biti sklopljen prije sklapanja ugovora sa Općinom),
- izjavu osobe koja se zapošljava da je upoznata sa uslovima Programa,
- izjavu privrednika kojom daje saglasnost da služba nadležna za praćenje realizacije programa može izvršiti provjeru podataka kod nadležnih organa (PIO, ZZO, Služba za zapošljavanje, Poreska uprava..),
- izjava privrednika da za vrijeme realizacije sredstava po ovom programu neće umanjivati postojeći broj zaposlenih radnika izuzev u slučaju prestanka radnog odnosa u slučaju elem.nepogode, odlaska u penziju, smrti radnika, samoinicijativnog napuštanja poslodavca ili isteka ugovora o radu zaključenog na određeno vrijeme, otkaza ugovora o radu zbog teže povrede radne dužnosti),
- obrazac JS 3100 za lice koje se zapošljava uz poticajna sredstva.
- Obrazac kao oblik garancije za izvršenje obaveze od strane korisnika sredstava, odnosno kao instrument osiguranja namjenskog utroška sredstava dodjeljenih za poticaje zapošljavanja koristit će se avalirana mjenica (sa izjavom i potvrdom).

Obaveze fizičkih lica (građana)

Nakon odobravanja sredstava i potpisivanja ugovora sa Općinom, a najdalje u roku od 30 dana (kao uslov za isplatu odobrenih sredstava), korisnik sredstava dostavlja:

- ovjerenu kopiju Rješenja o registraciji obavljanja djelatnosti,
- JS 3100 obrazac za lice koje je registrovalo djelatnost,
- kopiju identifikacijskog broja,
- broj računa registrovane djelatnosti,
- Obrazac kao oblik garancije za izvršenje obaveze od strane korisnika sredstava, odnosno kao instrument osiguranja namjenskog utroška sredstava dodjeljenih za poticaje zapošljavanja koristit će se avalirana mjenica (sa izjavom i potvrdom)

Obaveze Općine

- Općina će, nakon zaključivanja ugovora o korištenju poticaja i zaprimanja dokumentacije iz tačke 7.1. Programa vršiti isplatu sredstava na sljedeći način:
 - 40% avansa ukupno odobrenih sredstava, a
 - 60% sredstava u jednakim mjesečnim anuitetima do kraja budžetske godine, uz napomenu da je korisnik poticaja obavezan, radi pravdanja odobrenih sredstava, prije svake naredne isplate dostaviti: spisak osoba za koje se daje poticaj, specifikaciju uz isplatu plaća ovjerenu u Poreznoj upravi i obrazac MIP.
- Općina će, nakon zaključivanja ugovora sa fizičkim licem iz ciljne grupe i zaprimanja dokumentacije iz tačke 7.2. Programa vršiti isplatu sredstava sljedeći način:
 - 40% avansa ukupno odobrenih sredstava, a
 - 60% sredstava u jednakim mjesečnim anuitetima do kraja budžetske godine, uz napomenu da je korisnik poticaja obavezan, radi pravdanja odobrenih sredstava, prije svake naredne isplate dostaviti specifikaciju uz isplatu plaće ovjerenu u Poreznoj upravi.

ZAHTJEVI/PRIJAVE sa potrebnom dokumentacijom dostavljaju se neposredno na protokol u šalter sali Općine Jablanica ili putem pošte na adresu:

OPĆINA JABLANICA, PERE BILIĆA 25. 88420 JABLANICA, sa naznakom

„Prijava na JAVNI POZIV za učešće u Programu poticaja MSP, u općini Jablanica u 2018.g.“

Javni poziv ostaje otvoren od dana objavljivanja (11.05.2018.g.) dok se ne plasira ukupan iznos planiranih sredstava a najduže do 31.decembra 2018. godine.

Radna grupa se sastaje po potrebi a najkasnije u roku od 15 dana po proteku mjeseca u kojem su pristigli novi zahtjevi.

Rok za podnošenje prijava/zahtjeva je 15 dana, počev od 11.05.2018 do 28.05.2018. godine.

Javni poziv je objavljen u sredstvima javnog informisanja Općine Jablanica: (RTV Jablanica), WEB stranici Općine Jablanica www.jablanica.ba i na oglasnim tablama Općine Jablanica.

Zahtjevi sa nekompletnom dokumentacijom neće se uzeti u razmatranje.

Kontakt osoba po Javnom pozivu je Dunja Zahirović, telefon 036 751 302.

Obрасci za apliciranje za Program dostupni su na info pultu u šalter sali Općine Jablanica, na WEB stranici Općine Jablanica www.jablanica.ba.

OPĆINSKI NAČELNIK,
Salem Dedić, dipl.ecc.